

ଜାକୁବଙ୍କ ପତ୍ର ଜାକୁବ୍‌ନେ ଉଲିଆଃ ଜାକୁବ୍ ବଇ ବିସୟରେ ଉଠଡ଼ିକୁଗ୍ ସାମୁଆଁ

ଜାକୁବ୍ ଉଲିଆଃ ଜାକୁବ୍ ମିରେ ଖାତିଆରକ୍ଲେ ମୁଇଂ ରେମୁଆଁ ବାନ୍ ଗୁଆର୍ ତିଂଲେଃକେ । ଆକେନ୍ ଜାକୁବ୍ ତିଂଲେଃଏ ଜିସୁ କିସଟନେ ବୟାଣ୍ଡେ ଲେଃଗେ ଜା କି ପରତୁମ୍ ମଣ୍ଡଲିନେ ମୁଇଂ ନେତା ବାରି ଯିରୁଶାଲାମ୍ କୁକପାରନେ ମ୍ବା ରେମୁଆଁ ଲେଃଗେ ପ୍ରେରିଡ୍ ୧୫:୧୩ । ପ୍ରେରିଡ୍ ପାଉଲ୍ ଶ୍ରିଗ୍ ଜାକୁବ୍‌କେ ଗାଲାତିୟ ମଣ୍ଡଲିନେ କୁଟ୍ ତାଗ୍‌ତେ ଖାଆରଏ ଗାଲାତିୟ ୨:୯ । ଜାକୁବ୍ ଯିରୁଶାଲାମ୍‌ନେ ନେତା ଲେଃଗେ ତେସା ତିଂଲେଃଏ ଆଡ୍‌ଅରିଆ ବାସା ଲେଃନେ ବେଲା ମେଁ ଆକେନ୍ ଉଲିଆଃ ଗୁଆରବଗେ ।

ଜାକୁବ୍ ଦେସ୍ ଅରିଆ ଚିନ୍‌ବିନ୍ ତିଂଲେଃକ୍ଲେ ଗମ୍ବାର୍ କୁଟୁମ୍‌ଇଂକେ ମେଁନେ ଉଲିଆଃନ୍ନିଆ ସ୍ବାମୁଆଃ ବିଃବକେ ୧:୧ । ତିଂଲେଃଏତ ଜାକୁବ୍ ଉଲିଆଃନେ ବେବଆର୍ ଦରକାର୍ ବିସୟ୍ ସରତେ କିସ୍‌ଟିୟାନ୍‌ଇଂନେ ନ୍‌ସା ଲେଃକେ ମାତର୍ ଗମ୍ବାର୍ କୁଟୁମ୍ ବିସୟ୍‌ରେ ବେବଆର୍ ତିଂଲେଃକ୍ଲେ ସଇ ତିଂଲେଃଏ ଜାକୁବ୍ ସ୍ବେଡାଃ ଜିଉଦି କିସ୍‌ଟିୟାନ୍‌ଇଂକେ ଗୁଆରବଗେ । ତାଗ୍ଲା ଆକେନ୍ ଉଲିଆଃ ବିନ୍‌ବିନ୍ ପାକା ଲେଃକ୍ଲେ ପଡ଼େଣ୍ଡେଇଂକେ ଆଃଝେଟା ବିସୟ୍‌ରେ ଚିକନା ବିଃବକେ । ଜାକୁବ୍ ବିସ୍‌ବାସ୍ ବାରି କାମ୍‌ନେ ପୁରା ସମ୍ପର୍କ ଆଡାଡା ଆଃଦର୍ସେଟେ ବାସଙ୍ଗ୍‌ତିଂକେ ଜେ ସଡ୍ ବିସ୍‌ବାସ୍ କାମ୍‌ନ୍ନିଆ ନ୍‌ଏ ୨:୧୭ । ମେଁ ଦନି ରେମୁଆଁଇଂନେ ନ୍‌ସା ସାପର୍ ବିସୟ୍‌ରେ ତରକ୍ ଆଃତିଂତିଂକେ ୨:୧-୪ । ସନ୍‌ମାନ୍ ବଟେ ବାଃଲିରବାତା ତିଂନେ ବିସୟ୍‌ରେ ଶ୍ରିଗ୍ ତରକ୍ ତିଂନେ ଆଃମ୍ୟାତିଂକେ ୩:୧-୧୨ ।

ସାସ୍ତ୍ର ବିତ୍ତେ ଲେଃକ୍ଲେ ସାମୁଆଁଇଂ

୧. ଜାକୁବ୍ ମେଁନେ ପଡ଼େଣ୍ଡେଇଂକେ ସାଲ୍‌ତିଂକେ । ୧:୧

୨. ମୋଁ କିସ୍ତରିୟାନ୍‌ଇଂକେ ଦୁକ୍ ବେଲା ଡାଟ୍‌ରେ ଲେଃନେସା ସାଆସ୍ ବିଃଡ଼ିଂକେ । ୧:୨-୨୭
୩. କାମ୍ ତିଂରେ ଡିରକମ୍ ବିସ୍‌ବାସ୍ ଆଃସୁଏନେ ଦର୍‌କାର୍ ତେନ୍ ବିସ୍‌ୟରେ ବାସଙ୍‌ଡ଼ିଂକେ । ୨:୧-୨୭
୪. ମାପରୁ ସାମୁଆଁ ଡିରକମ୍ ବପୁ ତିଂୟାଏ ଆତେନ୍ ମୋଁ ଆଃଦର୍‌ସେ ବକେ । ୩:୧-୧୨
୫. ଜାକୁବ୍ ଇସ୍‌ପରନେ ବୁଦି ଜାଗତିକ ବୁଦିବାନ୍ ବିନ୍ ରକମ୍ ତିଂପାରେ ଆତେନ୍ ବାସଙ୍‌ଡ଼ିଂକେ । ୩:୧୩-୪:୧୦
୬. ଇଡ଼ିଂ ମୋଁ ପଡ଼େଣ୍ଡେଇଂକେ ଗରବ୍ ମାଡ଼ିଂନେ ନ୍‌ସା ତରକ୍ ଆଃଡ଼ିଂଡ଼ିଂକେ । ୪:୧୧-୫:୬
୭. ସାରାସାରି ଜାକୁବ୍ ଉଃଡ଼ିଂକ୍ଲିଗ୍ ଡାଆଁ ଆଦେସ୍ ବିଚେ ମୋଁନେ ଗୁଆରନେ ଆଃଡାକେ । ୫:୭-୨୦

୧ *ନେଙ୍ଗ୍ ଜାକୁବ୍ ଇସ୍‌ପରନେ ବାରି ମାପୁ ଜିସୁ କିସ୍‌ଟନେ ଦାସ ସାପା ମଞ୍ଚପୁର୍‌ନ୍ନିଆ ଜତେକତେ ଡିଙ୍ଗ୍‌ଲେଃକ୍ଲେ ଇସ୍‌ପରନେ ରେମୁଆଁଇଂକେ ସାଲ୍ ଆଃମ୍ୟାଚେ ଏନ୍ ଉଲିଆ ଗୁଆରଣ୍ଡିଂକେ ।

ବିସ୍‌ବାସ୍ ଆରି ବୁଦି

୨ ବୟାଁ ଆରି ତନାଇଂ ଜିବନ୍ ବୁଆ ଡିକେଃନେ ବାରବାନିନେ ଦୁକ୍‌କଷ୍ଟ ପାଂଲା ଆତେନ୍ କରମ୍‌ନେ ବିସ୍‌ୟ ଡାଗ୍‌ରେ ମ୍ୟାଃପା । ୩ ମେଃଡାଗ୍ଲା ପେ ପେମ୍ୟାଃକେ, ଦେକ୍‌ରକମ୍ କଷ୍ଟ ସେଃମ୍‌ପାଂ‌ବେଲା ବିସ୍‌ବାସ୍ ବପୁ ଲେଃଲା ସାମାଲେନେ ସକଡ଼ ମାଲେ ତିଂଏ । ୪ ପେ ଇଡ଼ିଙ୍ଗ୍ ଜାକ ସାମ୍‌ଲେ ପେଲେଃଲା ମେଃଡିଗ୍ ବିସ୍‌ୟରେ ଗଣ୍ଡା ମାଡିଙ୍ଗ୍‌ରେ ଜନମବାନ୍ ଦର୍ମ ବୁଦି ବାରି ନିମାଣ୍ଡା ପେଡିଙ୍ଗ୍ । ୫ ମାତର୍ ପେଇଂନେ ବିଡ୍ରେ ଜାଣ୍ଡେନେ ଜଦି ଗ୍ୟାନ୍ ଗଣ୍ଡା ଲେଃଏ ମୋଁ ଇସ୍‌ପରନେ ଡାଗ୍ଲା ପାର୍‌ତନା ଡିଙ୍ଗ୍‌ଲେ ତେଲା ଆମେକେ ଇସ୍‌ପର ଗ୍ୟାନ୍ ବିଏ ଡାଗ୍ଲା ମୋଁ ସାଦା ମନ୍‌ରେ ଆରି ରକ୍ୟା ସୁଗୁଆ ସାପାରେକେ ଦାନ୍ ଡିଙ୍ଗ୍ । ୬ ମାତର୍ ପାର୍‌ତନା ଡିଙ୍ଗ୍‌କେଲା ଇଃକ୍ଲୁଣ୍ଡିଗ୍ ଅନ୍‌ମାନ୍ ମାଡିଂରେ ବିସ୍‌ବାସ୍ ତିଂରେ ସୁରେପା । ଜା ସନ୍ଦେଅ ତିଂଏ, ମୋଁ ତର୍‌ବର୍ ଆବୁଂକ୍ଲେ ଲଅଡି ସୁଗୁଆ । ୭ ଦେଡ୍‌ରକମ୍ ରେମୁଆଁ ମାପୁନେ

☆ **୧:୧** ୧:୧ ମାଡିଉ ୧୩:୫୫; ମାର୍‌କ ୭:୩; ପ୍ରେରିଡ୍ ୧୫:୧୩; ଗାଲାତିୟ ୧:୧୯.

ଡାଗ୍ରା ମେଃଡ଼ିଗ୍ ବାଏ ଡାଗ୍ରେ ମନେ ଆଡ଼ିଙ୍ଗ୍ଲେ । ୮ ମେଁ ମ୍ପାର୍ମନନ୍ ରେମୁଆଁ ନିଜର୍ ସାପା ଅଲେଙ୍ଗ୍ନିଆ ଆଙ୍କଆନ୍ତ୍ ।

ସାକାର ଆରି ଗରିବ୍

୯ ଦରିଦ୍ର ଅବସ୍ଥାନ୍ନିଆ ଲେକ୍ତେ କ୍ରିଷ୍ଟ ବିସ୍ବାସି ଉର୍ନତି ତିଙ୍ଗ୍ଲା ଗରବ୍ ତିଙ୍ଗ୍ଆରୁଏ । ୧୦ ସାକାର କ୍ରିଷ୍ଟ ବିସ୍ବାସି ମେଁନେ ଦରିଦ୍ର ତିଙ୍ଗ୍କେଲା ଗରବ୍ ତିଙ୍ଗ୍ଲେ ଡାଗ୍ଲା ସାକାର ଚେଃମୁଆଁ ସାରି ସୁଗୁଆ ଲଞ୍ଜେଏ । ୧୧ ସିନେ ତାରାସ୍ ତାତିରେ ଚେଃମୁଆଁ ନ୍ସୁଆରଞ୍ଜେଏ, ମେଁନେ ସାରି ଲଞ୍ଜେଏ ଆରି ସବା ନାସେଞ୍ଜେଏ । ଦେଡ଼ରକମ୍ ସାକାର ଶ୍ରିଗ୍ ମେଁନେ ସାପା କାମ୍ ଇଂ ବିଡ୍ରେ ମେଃସୁଆ ଲତ୍ୟାଞ୍ଜେଏ ।

ପରିକ୍ୟାନ୍ନିଆ ସାମ୍ନା

୧୨ ଆଶ୍ରିନେ ରେମୁଆଁ ଦୁକ୍କସ୍ତୁକେ ସାମ୍ପାଲେ ଲଞ୍ଜେଏ ମେଁ ଦନ୍ୟ; ଡାଗ୍ଲା ଦେକ୍ରକମ୍ ପରିକ୍ୟା ଜିଡେଲା ଇସ୍ପର୍ ମେଁନେ ସିସ୍ଇଂକେ ଆଶ୍ରିନେ ଜିବନ୍ ବିଏ ଡାଗ୍ରେ ପାର୍ମାନ୍ ତିଙ୍ଗ୍ବକେ ମେଁ ଆଡେନ୍ ପୁରୁସ୍ପାର୍ ରକମ୍ ବାଏ । ୧୩ ଜାଣ୍ଟେଃ ପରିକ୍ୟା ଆଃଆସାନେ ସେଃମି ତିଂନେ ବେଲା ଆଡେନ୍ କିତଂବାନ୍ ପାଂଲେଃକେ ଡାଗ୍ରେ ଆଏଡେଲେଃ । କିତଂ ନାଲେନେ ବିସ୍ମ୍ ନ୍ସାଃ ଆସା ଆଡିଂଆର୍ ଶୁ ଲେଃ ମେଁ ଆଜାକେ ଆସା ଆରାଃଡିଂ ଶୁ । ୧୪ ଡାଗ୍ଲା ରେମୁଆଁ ନିଜର୍ ପାପ୍ କାମ୍ ତିଙ୍ଗ୍ରେ ନିଜେ ପରିକ୍ୟାନ୍ନିଆ ଲଞ୍ଜେଏ । ୧୫ ଦଦ୍ୟା କାମ୍ ତିଙ୍ଗ୍ନେ ବାନ୍ ପାପ୍ ଜନମ୍ ତିଙ୍ଗ୍ଏ ବାରି ଆଡେନ୍ ପାପ୍ ମ୍ପାଚେ ଜାବର୍ ତିଙ୍ଗ୍ଲା ଗୁଏଃ ତିଙ୍ଗ୍ଏ ।

୧୬ ନିଜର୍ ବୟାଁ ବାରି ତନାଇଂ ଆଜଚେ ଆଡିଙ୍ଗ୍ପା । ୧୭ ସାପା ନିମାଣ୍ଡା ଦାନ୍ ବାରି ସାପାବାନ୍ ମ୍ପା ପୁରୁସ୍ପକାର୍ କିତଂନେ ଆବା ବାନ୍ ପାଙ୍ଗ୍ଲେଃଏ । ମେଁ ସାପା ଆକେଁ ସି ଚାଙ୍ଗୁଆନେ ତିଆର୍ ତିଙ୍ଗ୍ଣେ । ମେଁ ନ୍ଲୁଡ୍ୟା ତିଙ୍ଗ୍ରେ ଆବଲ୍ଲେ ଶୁ । ୧୮ ସାପା ଜିବ୍ଜନ୍ତ୍ରୁ ମ୍ପାଞ୍ଚ୍ପୁର୍ ଡାଗ୍ରା ନେ ତିଡିରକମ୍ ପର୍ଡୁମ୍ ଚାନ୍ ଅଦିକାର୍ ନେଡିଂଏ ଆକେନ୍ସା ମେଁ ନିଜର୍ ଇକ୍ଚାରେ ସଡ଼ ସାମୁଆଁ ବାନ୍ ଆନେକେ ଆଃରେଃକେ ।

ଦ୍ରିଗ୍ପା ବାରି କାମ୍ ତିଙ୍ଗ୍ପା

୧୯ ନିଜର ବୟାଁଇଂ ମନେ ବପା । ପେଇଂ ଅଁନେ ଜାଗ୍ରତ୍ ତିଂନେ ଦରକାର୍ ତାଗ୍ଲା ମ୍ୟାଃତେଂଚେ ସାମୁଆଁ ବାସଂପା । ୨୦ ଗିସେଃ ଡାଗ୍ରା ସାକ୍ତି ତିଂପା । ମେଃଡାଗ୍ଲା ରେମୁଆଁ ଗିସେ ନସାଃ ଇସ୍ପରନେ ପବିତ୍ର ଜଜନା ସରାଃ ତିଂଏ । ୨୧ ମାତର ପେଇଂ ସାପା ରକମ୍ ଦଦ୍ୟା ଅବ୍ୟାସ୍ ଆରି ସତ୍‌ଶୁନେ କାମ୍ ଆତାର ବିଃପା । ଇସ୍ପରନେ ଡାଗ୍ରା ନିଜେକେ ଆତାର ବିଃପା ବାରି ପେନେ ଗାଗଡ଼େନ୍ନିଆ ମେଁ ଆଡିନେ ବ୍ଲାଲିର ବିଗ୍ ବକେ ବାରି ଆଡିନେ ଆପେକେ ରକ୍ୟା ତିଙ୍ଗ୍ ନସା ଇକ୍ତା ଆତେନ୍ ଗ୍ରାଅନ୍ ତିଙ୍ଗ୍ପା ।

୨୨ ପେଇଂ ନିଜେ ନିଜେକେ ଆଜଚେଗ୍ପା । ମେଁନେ ସାମୁଆଁ ସରାଃ ଅଁଲା ମାଲେ ଶୁ । ଆମେକେ କାମ୍‌ନ୍ନିଆ ଲାଗେପା । ୨୩ ଆଣ୍ଡିନେ ରେମୁଆଁ ଇସ୍ପରନେ ବ୍ଲାଲିର ସରାଃ ଅଁଏ, କାମ୍‌ନ୍ନିଆ ବେବଆର୍ ଆଡିଙ୍ଗ୍ ଶୁ ମେଁ ଦାରପନ୍‌ନ୍ନିଆ ନିଜର ରୁପ୍ କିକେନେ ରେମୁଆଁ ସୁଗୁଆ । ୨୪ ମେଃ ନିମାଣ୍ଡା ତିଂଚେ ନିଜର ରୁପ୍‌କେ କେଏ ତାଗ୍ଲା ଆଡ୍‌ବାନ୍ ତାର୍‌କେକ୍‌କେ ଦାପ୍ରେ ମେଃନେ ସତ୍‌ ରୁପ୍ ମେଃ ଆବଃବିଏ । ୨୫ ତାଗ୍ଲା ରେମୁଆଁନେ ମୁକ୍ତି ନସା ମୁଇଂ ବିନ୍ ନିୟମ୍ ଲେଃକେ । ଜେ ଆତେନ୍ ଅଁଚେ ଆବଆବି ଶୁ ବାରି ମେଁନେ ଆଡାଡା ସାପା କାମ୍‌ନ୍ନିଆ ମନ୍ ବିଚେ ଆତାନ୍ ପାଲନ୍ ତିଙ୍ଗ୍ଏ । ଇସ୍ପର ଆତାନ୍ ସାପା କାମ୍ ତିଙ୍ଗ୍ଏ ।

୨୬ ଜାଣ୍ଡେଃ ମେଃଆରେ ନିଜେକେ ଦରମ୍ ମନେ ତିଂତିଂକେ ? ମେଃ ଜଦି ନିଜର ନ୍ନିଆକେ ସାକ୍ତି ଆରାଃତିଂ ତେଲା ମେଃନେ ଦରମ୍ କାମ୍ ସାପା ସରାଃ ଆରି ମେଃ ଚା ନିଜେକେ ନାଲେତିଂକେ । ୨୭ ଆଣ୍ଡିନେ ଦର୍ମକାମ୍ ଆବା ଇସ୍ପରନେ କେନ୍‌କେନ୍ନିଆ ପରଚଲ୍ ଆରି ନିମାଣ୍ଡା ଆତେନ୍ ତିଂଗେ ଆଃସିରେ ଡଂଗଏଃ ଆରି ଗୁଏସାଙ୍ଗ୍‌କୁଏଇଂନେ ଜତନ୍ ତିଂନେ ଆରି ଦର୍ତ୍ତନିନେ ପାପ୍‌ବାନ୍ ନିଜେକେ ମୁକ୍ତି ନେଃବପା ।

୨

ସାପର୍ ତିଂଚେ ବିଚାର

୧ ବୟାଁଇଂ ଆନେକେ ଲିବିସଃ ମାପ୍‌ରୁ ଜିସୁ କିସ୍‌ଚନେ ବିସ୍‌ବାସ୍‌ଶ୍ରେ ସୁଗୁଆ ପେଇଂ ରେମୁଆଁଇଂନେ ବିନ୍‌ନେ ସାଜବାଜ କେଚେଃ ଆଇଂସାଗେପା । ୨ ମନେ ତିଂପା, ପେ କୁକପାର୍ ଡାଗ୍ରା ମୁଇଂଜା ସୁନା ଖାତ୍ ଆରି ଜବର୍ ଦାମ୍‌ନେ ପାଟାଇ ଖାଃଡ଼େଗ୍‌ଚେ ପାଂଲେଃକେ ।

ବିନ୍ଦେ ମୁଇଂଜା ମ୍ମାରକ୍ଲେ ଆରି ସ୍ୟାଃକ୍ଲେ ପାଟାଲ୍ ଝାଃଡ଼େଗ୍ରେ ପାଲେଃକେ । ^୩ ଜଦି ପେ ଜବର୍ ଦାମ୍ନେ ପାଟାଲ୍ ଝାଃଡ଼େଗ୍ ପେଲେଃକେ ରେମୁଆଁକେ ମାଲେ ସନ୍ମାନ୍ ଆଃସ୍ପେରେଃ ପେବାସଂଏ, “ଏନ୍ ଆସନ୍ ଗୁଅନ୍ ତିଂପା,” ତାଗ୍ଲା ଗରିବ୍ ରେମୁଆଁକେ ବାସଂ, “ଆଡ଼ତାଗ୍ରା ତୁଆଁ, ଆରି ନିଂ ଞ୍ଚ ଆଲ୍ କଲା,” ^୪ ତେଲାଲେଃ ନିଜେ ନିଜେ ବିଡ୍ରେ ମ୍ମା ତାଆଁ ବାଦ୍ନା ଉବ୍ଜେ ପେଡିଂକେ ବାରି ନାଲେନେ ମନ୍ ବାଦ୍ନା ତିଂରେଃ ଇଂସା ବିଚାର୍ ତିଂପେଡିଂକେ ।

^୫ ନିଜର୍ ବୟାଁ ବାରି ତନାଇଂ ଅଁପା, ଇସ୍ପର୍ ମେଃନେ ଏନ୍ ମଞ୍ଚପୁର୍ନେ ରେମୁଆଁକେ ବିସ୍ବାସ୍ ଦନ୍ନିଆ ସାକାର୍ ତିଙ୍ଗ୍ନେ ବାରି ନିଜର୍ ରେମୁଆଁକେ ଆଣ୍ଡିନେ ରାଜି ବିଃନେ ପାର୍ମାନ୍ ତିଂବକେ, ଆତେନ୍ ଅଦିକାର୍ ତିଙ୍ଗ୍ନେ ସ୍ତ୍ରୀ ବକେ । ^୬ ତେଲା ପେ ଗରିବ୍ଶ୍ରେଇଂକେ ଅମାନି ତିଂପେଡିଂକେ । ଆଣ୍ଡିଣ୍ଡେ ଆପେକେ ବଗ୍ତୁ ତିଂଆର୍ଏ ଆରି ବିଚାର୍ ତୁଆ ତାଗ୍ରା ଗୁଃତୁଂଝେଏ ମେଇଂ ଜାଣ୍ଡେଃ ? ମେଇଂ ତ ଆତେନ୍ ସାକାର୍ଶ୍ରେ । ^୭ ଆଣ୍ଡିନେ ମ୍ମି ଆପେକେ ବିବକେ ମେଁଇଂ ଆତେନ୍ ମ୍ମା ମ୍ମିରେ ନିୟା ତିଂଆର୍ଏ ।

୮ “ସାଇପଡ଼ିସାଣ୍ଡେକେ ଜିବନ୍ ସୁଗୁଆ ବଲ୍ ବାପା” ସାସ୍ତୁର୍ନିଆ ଗୁଆର୍କ୍ଲେ ଇସ୍ପର୍ନେ ରାଜିନେ ଏନ୍ ନିୟମ୍ ଜଦି ପାଲେ ପେଡିଂକେ ତେଲା ପେ ନିୟମ୍ କାମ୍ ତିଂପେଡିଂକେ । ^୯ ମାତର୍ ଜଦି ବିନ୍ଦେ ସାଜବାଜ କେରେଃ ରେମୁଆଁକେନେ ତାଗ୍ରା ଇଂସା ବେବଆର୍ ତିଂପେଡିଂକେ ତେଲା ପେ ପାପ୍ ତିଂପେଡିଂକେ ଆରି ନିୟମ୍ ଇସାବ୍ରେ ପେ ମୁଇଂ ସାମୁଆଁ ମାସାଣ୍ଡେ । ^{୧୦} ଜା ମୁଇଂ ସାମୁଆଁ ଆମାନେଃ ମେଁ ସାପା ସାମୁଆଁ ମାମାନେଃ ଅପରାଦ୍ନିଆ ଦସି ତିଂଏ । ^{୧୧} ତେସାଃ ଜାଣ୍ଡେଃ ଅଡ଼ାରେଗ୍ ଆତିଂଗେପା ତାଗ୍ରେ ବାସଙ୍ଗ୍ବଗେ, ମେଁ ତିଗ୍ ରେମୁଆଁ ଆବାଗୁଏଃଗ୍ପା ତାଗ୍ରେ ବାସଙ୍ଗ୍ବଗେ, ଏନ୍ସା ପେ ଜଦି ଅଡ଼ାରେଗ୍ ମାତିଂରେ ରେମୁଆଁ ପେବାଗୁଏଃଏ, ତେଲା ପେ ମୋଶାନେ ନିୟମ୍ ମାମାନେଃ ରେମୁଆଁ ତିଂପେଲେଃକେ । ^{୧୨} ଆଣ୍ଡିନେ ଉଦାର୍ ବିଶ୍ରେ ନିୟମ୍ ବାନ୍ ପେ ବିଚାର୍ ପେଡିଂଏ ଆତେନ୍ ପେନେ ବାଲିର୍ବାତା ଆରି ସ୍ଲୋଗ୍ବୁର୍ନିଆ ଉଡ୍ରା ଆତିଂପା । ^{୧୩} ତାଗ୍ଲା ଜା ବିନ୍ରେକେ ଆଲ୍ବିସଃ, ଇସ୍ପର୍ ତିଗ୍ ଆମେକେ ଆଲ୍ବିସଃ । ନ୍ୟାୟ୍ ବିଚାର୍ ଆଡ୍ରା ଲିବିସଃନେ ଆଃ ଜିନେଏ ।

ବିସ୍‌ବାସ୍ ଆରି କାମ୍

୧୪ ବୟାଁ ଆରି ତନାଇଁ ଜାଣ୍ଢେଃ ଜଦି ବାସଙ୍‌ଏ ମେଁନେ ବିସ୍‌ବାସ୍ ଲେଃକେ ତେଲା କାମ୍‌ତାଗ୍ରା ଆତେନ୍ ଆରାଃସୁଏ ଶୁ ଡେଲା ମେଁ ସାମୁଆଁରେ ମେଃ ମୁଲ୍ୟ ଲେଃକେ ? ଦେଡ଼ରକମ୍ ବିସ୍‌ବାସ୍ ଆମେକେ ଉଦାର ବିୟାଏ କି ? ୧୫ ମନେ ତିଂପା ମେଃଶ୍ଟିଗ୍ ବୟାଁ କି ତନାନେ ପାଟାଇ ଆରି କାଦିନେ ଅବାବ୍ ଲେଃକେ ୧୬ ଆରି ପେନେ ବିତ୍ରେବାନ୍ ଜାଣ୍ଢେଃ ଆମେକେ ଗାଗ୍‌ଡେନେ ଦରକାର୍ ଜିନିସ୍ ମେଃଡିଗ୍ ମାବିଃରେ ବାସଙ୍‌ଏ, ଉସୁମ୍ ଆରି ଉଗଟଂରେ ସାନ୍ତିରେ ଝିଗ୍‌ଲା, ତେଲା ଆଡ଼ଅରିଆ ମେଃ ଲାବ୍ ? ୧୭ ବିସ୍‌ବାସ୍ ଚିକ୍ ଦେଡ଼ରକମ୍ । କାମ୍ ଆଲେଃଲା ବିସ୍‌ବାସ୍ ଗୁଏଝେଏ ।

୧୮ ତାଗ୍ଲା ଜାଣ୍ଢେଃ ତ ବାସଂୟାଏ “ମୁଇଂଜାନେ ବିସ୍‌ବାସ୍ ଲେଃକେ ବିନ୍ ମୁଇଂଜାନେ କାମ୍ ଲେଃକେ ।” ମାତର୍ ଏନ୍ ବିସ୍‌ୟରେ ନେଂ ମ୍ପାସଂଏ “କାମ୍ ମାଲେଃରେଃ ଜାନେ ବିସ୍‌ବାସ୍ ଲେଃୟାଏ ତାଗ୍‌ରେ ଆନେଂକେ ସାକି ବିଃଲାପା । ନେଂ କାମ୍‌ବାନ୍ ନେନେ ବିସ୍‌ବାସ୍ ଲେଃକେ ତାଗ୍‌ରେ ସାକି ମ୍ପିଏ ।” ୧୯ ପେ ମେଃଆରେ ବିସ୍‌ବାସ୍ ତିଂପେତିଂକେ ଜେ ଚାଃ ମୁଇଂଜା ମାତର୍ ଇସ୍‌ପର୍ ଲେଃକେ ? ନିମାଣ୍ଡା ! ସେଃଆଁରେଇଁ ଶ୍ଟିଗ୍ ଦେକ୍‌ରକମ୍ ବିସ୍‌ବାସ୍ ତିଂଆର୍‌ଏ ବାରି ବୁଟରେଃ ତରଅର ତିଂଆର୍‌ଏ । ୨୦ ଆରି ନିର୍ବୁଦି ! କାମ୍ ବିନା ବିସ୍‌ବାସ୍ ଜେ ମୁଲ୍ୟ ଶୁ ଆକେନ୍‌ନେ ସାକି କିକେନ୍‌ସାଃ ପେ ମେଃଆରେ ମନ୍ ତିଂପେତିଂକେ ? ୨୧ ନେଃ ଅଃସେନେ ଆବା ଅବ୍ରାହାମ୍ ଇସ୍‌ପର୍‌ନେ ମୁଆଃନ୍ନିଆ ଡିଡିରକମ୍ ଦରମ୍ ରେମୁଆଁ ସୁଗୁଆ ତିଂଲେଃଆର୍‌ଗେ ? ମେଁ କାମ୍ ବାନ୍ ଦରମ୍ ରେମୁଆଁ ରକମ୍ ତିଂକେ ଉଡିବେଲା ମେଁ ମେଁନେ ଉଙ୍‌ଡେ ଇସାକ୍‌କେ ବେଦି ଆରାତ୍ରା ମାପ୍‌ରୁକେ ଅପେଃକେ । ୨୨ ପେ ମେଃଆରେ ବୁଜେ ପେୟାକେ ? ଅବ୍ରାହାମ୍‌ନେ ବିସ୍‌ବାସ୍ କାମ୍‌ତାଗ୍ରା ଉଡ୍ରା ତିଂକେ; କାମ୍ ବାନ୍ ମେଇଂନେ ବିସ୍‌ବାସ୍ ପୁରନ୍ ତିଂକେ । ୨୩ ଆକେନ୍ ବାନ୍ ଦର୍ମସାସ୍‌ରନେ ଗୁଆର୍‌କ୍ନେ ସାମୁଆଁ ପୁରନ୍ ତିଂକେ: “ଅବ୍ରାହାମ୍ ଇସ୍‌ପର୍‌କେ ବିସ୍‌ବାସ୍ ତିଂକେ ବାରି ମେଁଇଂନେ ବିସ୍‌ବାସ୍ ନ୍‌ସାଃ ଇସ୍‌ପର୍‌ନେ ମ୍‌ମୁଆଃନ୍ନିଆ ମେଁ ଦରମ୍‌ରେ ତାଗ୍‌ରେ ଇସାବ୍ ତିଂକେ ।” ବାରି ଅବ୍ରାହାମ୍ ଇସ୍‌ପର୍‌ନେ ସାଙ୍ଗାଡି ତାଗ୍‌ରେ ଅଃସାମୁଆଁ ଆର୍‌କେ । ୨୪ ତେଲା ପେଇଁ ବୁଜେ ପେୟାଏ ଜେ

ରେମୁଆଁ କାମ୍‌ବାନ୍ ଦରମ୍‌ରେ ତାଗ୍‌ରେ ସାମୁଁଆଃଏ ଚାଃ ବିସ୍‌ବାସ୍ ନ୍‌ସାଃ ଶୁ ।

^{୨୫} ଦେଡ଼ରକମ୍ ଦାରିବଏ ରାହାବ ଶ୍ରିଗ୍ କାମ୍ ନ୍‌ସାଃ ଦରମ୍‌ରେ ତିଂଲେଃଃଗେ । ମେଁ ଇଶ୍ଟାଏଲ୍‌ନେ ତଂକେଡେଇଂକେ ଚାନ୍ ବିଃବଗେ ବାରି ବିନ୍ ମୁଇଂ ଗାଲିପାକା ଲାଗ୍‌ଡନ୍‌ସାଃ ସାଇଜ ତିଂବଗେ ।

^{୨୬} ଆଡେନ୍‌ସାଃ ଆମ୍ବା ଆଲେଃଃଲା ଗାଗ୍‌ଡେ ଡିଡିରକମ୍ ଗୁଏଃଏ କାମ୍ ଆଲେଃଃଲା ବିସ୍‌ବାସ୍ ଦେଡ଼ରକମ୍ ଗୁଏଃଏ ।

୩

ସାନ୍ତି କ୍ଲିଆ

^୧ ଆରି ବୟାଁ ଆରି ତନାଇଂ ପେଇଂନେ ବିଡେ ଗୁଲୁଏ ରୁଆ ଦରମ୍ ସିକ୍ୟା ଗୁରୁ ତିଂନେ ଦରକାର୍ ଶୁ । ତାଗ୍ଲା ପେ ପେମ୍ୟାଃକେ ଜେ ନେ ସୁଗୁଆ ଗ୍ରଇଂ ବିନ୍ ରେମୁଆଁବାନ୍ ମାଲେ କଷ୍ଟ ବାବ୍‌ରେ ବିଚାର୍ ତିଂଆରଏ । ^୨ ନେ ସାପାରେ ଗୁଲୁଏ ତର ବୁଲ୍ ତିଂନେଃବଏ । ଜଦି ଜାଣ୍ଡେଃ ମେଁନେ ବାଃଲିର୍‌ବାତାନ୍ନିଆ ଅଃନାଡିଗ୍ ବୁଲ୍ ଆଡିଂ ଶୁ ତେଲା ମେଁ ପୁରନ୍ ଆରି ନିଜେକେ ପୁରା ସାନ୍ତି ତିଂୟାକେ । ସାପା ଗାଗ୍‌ଡେକେ ତିଗ୍ ନିଜେନେ ଅଦିକାର୍‌ରେ ବ୍‌ବନେ ଯାଏ । ^୩ ଗଡାକେ ନିଜର୍ ଦାଇଡ଼ରେ ବନେନ୍‌ସାଃ ନେ ଲାଗାମ୍ ନେଃବିଃଏ ଆରି ନେଃନେ ଇକ୍‌ଚା ଅନୁସାରେ ମେଁନେ ଗାଗ୍‌ଡେକେ ଆଃଅଲେଙ୍ଗ୍ ନେଃୟାଏ । ^୪ ମୁଇଂ ମ୍ବାଃ ଜାଆଜ୍ ବିସ୍‌ୟରେ ନେଃଗାପା । ଜାଆଜ୍ ଆଃକିର୍‌ଶ୍ଟେ ମାଲେ ଝେଡ଼୍ୟାଃ ପାଂତିଂଲା ଶ୍ରିଗ୍ ଉଦିଗ୍ ତାଆଁ ପୁଗ୍ ଏଃଡେ ଆମେକେ ଅନ୍‌ମାନ୍ ତିଂରେଃ ଇକ୍‌ଚା ଅନୁସାରେ ଆଃକିର୍ ତୁଂଝେଏ । ^୫ ଆକେନ୍ ଉଦାଅରନ୍ କ୍ଲିଆ ତାଗ୍ରା ଲେଃଃକେ । ଆଡେନ୍ ତାଆଁ ତିଂଲା ଶ୍ରିଗ୍ ମ୍ବାଃ ମ୍ବାଃ ସାମୁଆଁ ବାସଂରେଃ ଗରବ୍ ତିଂୟାଏ । ନେଃଗା କେଲାପା ଡିଡିରକମ୍ ମାଃସ ତିଂଲାଶ୍ରିଗ୍ ମ୍ବାଃ କଣ୍ଡାକେ ଆଗିଃ ବିଃଏ । ^୬ କ୍ଲିଆ ସୁଆ ସୁଗୁଆ; ଗୁଲୁଏ ନାଲେ ବିସ୍‌ୟରେ ନ୍‌ଲେଃଃକେ; ବାରି ଆଡେନ୍ ନେଃନେ ଗାଗ୍‌ଡେ ବିଡେ ଲେଃଃକ୍ ନ୍‌ସାଃ ନାଲେ ବପୁ ବେପ୍ରେରେଃ ନେଃନେ ସର୍‌ଡେ ଜିବନ୍‌କେ ପାପ୍ ଆଡିଂଏ । କ୍ଲିଆନେ ନର୍‌କ୍ ସୁଆ ନେଃନେ ସାପା ଜିବନ୍‌କେ ଆଃଗିଃବିଏ । ^୭ ରେମୁଆଁ ସର୍‌ଡେ କଣ୍ଡାଜନ୍ତୁ ପ୍ଲିଗ୍ ବୁବଃ ଗିଡିଆ କେଣ୍ଡିଆନ୍ନିଆ ଲେଃଃନେ ଜିବ୍‌କେ ନିଜର୍

ଅଦିକାରରେ ବ ଯାକେ । ୮ ମାତର ଜାଣେଃ ଅଠନା କ୍ଲିଆକେ ନିଜର ଅଦିକାର ଆତି° ଆୟାକେ ଶୁ । ଆତେନ୍ ମିର୍ ଆରି ବାଗୁଏଟୁଗୁଏ, ମାଲେ ଝିଆଃ ରିଙ୍ଗିଆଃନିଆ ଆତେନ୍ ନଲେଃକେ । ୯ ନେ କ୍ଲିଆ ଏଃତେ ମାପରୁ ଆବା ଇସପରକେ ଦନ୍ୟବାଦ୍ ନେଃଃଃ । ବାରି ଆକେନ୍ କ୍ଲିଆ ଏଃତେ ଇସପରନେ ସୁଗୁଆ ଆରେକ୍ଲେ ରେମୁଆଁକେ ସେବ୍ ଶ୍ରିଗ୍ ବିଃଲେଃ । ୧୦ ଆତେନ୍ ମୁଇଁ ତୁମୁଆଃବାନ୍ ଦନ୍ୟବାଦ୍ ଆରି ସେବ୍ ତରସାଏ । ବୟାଁଇଁ ଦେକ୍‌ରକମ୍ ତି°ନେ ଦରକାର୍ । ୧୧ ମୁଇଁ ଜରନାବାନ୍ ମେ_କ୍ଲେ ଆରି ବିସେଃକ୍ଲେ ଶ୍ରିଆଃ ଜୟାଃ ଯାଏ କି ? ୧୨ ବୟାଁଇଁ ଲିଖା ସ୍ଲାଃତାଗ୍ରା ମେଃଆରେ ଜିତ ତୁତୁଡେ ତୁଏ ? ଅଞ୍ଜୁର୍ ଲିଲିତାଗ୍ରା ମେଃଆରେ ଲିଖା ତୁଏ ? ଦେକ୍‌ରକମ୍ ବିତିଗ୍‌ତ୍ୟାଃ ଜରନାବାନ୍ ମେ_କ୍ଲେ ଶ୍ରିଆ ତାର୍ ଆୟାଶୁ ।

କିତ°ବାନ୍ ପାଞ୍ଜକ୍ଲେ ଗ୍ୟାନ୍

୧୩ ପେଇଁନେ ବିତ୍ରେ ଜାଣେଃ ମେଃଆରେ ଗ୍ୟାନ୍ ଆରି ବୁଦିଶ୍ରେ ? ମେଁ ଗିଆନ୍ ଆରି ଦରମ୍ ଏଃତେ ସତ୍‌କାମ୍ ତି°ଚେଃ ମେଁ ଜିବନ୍‌ରେ ଆକ୍ଲେନେ ସାକି ବିଃଲେଃ । ୧୪ ତାଗ୍ଲା ଜଦି ପେନେ ଉର୍ଦେନେ ଇଂସା ଆଞ୍ଜାର୍ ଆରି ବିସେଃକ୍ଲେ ବାବ୍‌ରେ ଲେଃକେ ନିଜର ବୁଦି ଆରି ଗିଆନ୍ ନସାଃ ଗରବ ତି°ଚେ ସତ୍‌ନେ ଆଆଁତ୍ରାରେପା । ୧୫ ଦେକ୍‌ରକମ୍ ଗ୍ୟାନ୍ ଇସପରନେବାନ୍ ଆପା° ଶୁ_ ଆତେନ୍ ଦର୍ତ୍ତନିବାନ୍, ଗାଗ୍‌ଡେବାନ୍, ସଇତାନ୍‌ବାନ୍ ପା°ଏ । ୧୬ ଆଶ୍ରିତାଗ୍ରା ଇଂସା ଆରି ଆଞ୍ଜାର୍ ଆଡ଼ତାଗ୍ରା ଝିଆଃରି°ଆଃ ଆରି ସାପା ରକମ୍ ଅସାନ୍ତି ଆରି ଦଦ୍ୟା କାମ୍ ଲେଃଏ । ୧୭ ମାତର ଆଡ଼ାତ୍ରାବାନ୍ ପା°କ୍ଲେ ଗ୍ୟାନ୍ ପରତୁମ୍‌ନେ ତି°କେ ପବିତ୍ର, ଆତେନ୍ ଶ୍ରିଗ୍ ସାନ୍ତି ବିଃଶ୍ରେ, ସୁକ୍‌ସାନ୍ତି ଆରି ସାପାରେନେ ମୁଇଁ ମନ୍ । ଆତେନ୍ ଲିବିସଃ ନଲେଃକେ ଆରି ଗୁଲୁଏ ଏତେ ସୁଗୁଆ ସତ୍‌କାମ୍ ସୁଗୁଆ ତୁତୁଡେ ଆଃତୁଏ; ଆତେନ୍ ସଦେଅ ଆରି ମିର୍ ଶୁ । ୧୮ ସାନ୍ତି ଆଃରେଶ୍ରେଇଁନେ ବାନ୍ ବିଗ୍‌ନେ ତୁବାନ୍ ଦରମ୍ ରକମ୍ ତୁତୁ ଝେୟାଏ ।



ଇସପରନେ ତାଗ୍ରା ନେଡିଙ୍ଗପା

୧ ପେଇଁନେ ବିତ୍ତେ ଜବର୍ ଆରି କିରମର ମେନ୍‌ସାଃ ତିଏ ?
 ପେନେ ଉର୍ଦ୍ଦେ ଲାଗେ ଲେଃଃନ୍ନେ ଗାଗ୍‌ଡେନେ ଇକ୍‌ଟା କାମ୍‌ଇଂ ଆଃ
 ଆକେନ୍‌ନେ କାରନ୍ । ୨ ତାଗ୍ଲା ପେ ମେଃନି ବାନେ ନ୍‌ସାଃ ମନ୍
 ତିଂପେତିଂକେ ଆତେନ୍ ବାପେୟାଲା ବାଗ୍‌ସାଃ ନ୍‌ସାଃ ଏତେ ପେତିଂକେ
 । ମେଃନି ବାନେ ନ୍‌ସାଃ ପେନେ ମାଲେ ମନ୍ ତିଏ ଆତେନ୍ ପେବାଲା
 କିରମର ଆରି ରିଂଆଃ ପେତିଂକେ । ପେ ଇସ୍‌ପର୍ ବିସ୍‌ୟ ମାବାନେ
 କାରନ୍ ତିଂତିଂକେ ପେ ଇସ୍‌ପର୍‌କେ ସେଲିଆ ପେବଣ୍‌ୟୁ । ୩ ବାରି
 ସେଲିଆଃଲା ଶ୍ରିଗ୍ ମାବାନେ କାରନ୍ ତିଂତିଂକେ ପେ ସାଲିଆନେ ସଡ୍
 ଶ୍ରି । ପେଇଁ ନିଜରନେ ସୁକ୍ ବାନ୍‌ସାଃ ସାଲ୍ୟାଃପେତିଂକେ ୪ ଆରି
 ବିସ୍‌ବାସ୍‌ନ୍ନିଆ ବିସ୍ ବିଶ୍ରେ ପେ ମେଃଆରେ ପେମ୍ୟାଃକେ ? ସଂସାର୍
 ଆସାଇ ଜା ଇସ୍‌ପର୍‌ନେ ତାଗ୍ଲା ବିରଦ୍ ତିଏ ? ଜା ଆକେନ୍ ଦର୍ତ୍ତନି
 ଏତେ ସାଙ୍ଗ ତିଏ ମେଁ ଇସ୍‌ପର୍‌ନେ ସଡ୍ । ୫ ସାସ୍‌ପର୍‌ନେ ଆକେନ୍
 ସାମ୍‌ଆନ୍ନିଆ ମେଃଆରେ ସଡ୍ ଶ୍ରି ତାଗ୍‌ରେ ମନେ ତିଂପେତିଂକେ
 “ଇସ୍‌ପର୍ ନେଇଁନେ ତାଗ୍ଲା ମୁଃଡି ଆମ୍‌ା ତିଆର୍ ତିଂବକେ ଆମେକେ
 ସାପା ଅଦିକାର୍ ତିଂନ୍‌ସାଃ ମେଁ ଏତେତିଂଗେ ?” ୬ ତାଗ୍ଲା ଇସ୍‌ପର୍
 ମୁଡି ଦୟା ବିଃଡିଂକେ ଆତେନ୍ ମାଲେ ବପୁ । ସାସ୍‌ପର୍‌ନ୍ନିଆ ଗ୍ଲୁଆର୍
 ଲେଃକେ “ଇସ୍‌ପର୍ ଆଂକାର୍‌ଶ୍ରେ_ଇଁନେ ବିରଦ୍ ତିଏ ତାଗ୍ଲା ଦରମ୍
 ରେମ୍‌ଆଁଇଁକେ ଦୟା ତିଏ ।”

୭ ତେଲା ଇସ୍‌ପର୍‌ନେ ତାଗ୍ଲା ନିଜେକେ ସର୍‌ପେ ବିଃପା ।
 ସଂସାଦ୍‌କେ ଆଗ୍‌ସ୍‌ବିଃପା । ତେଲା ମେଁ ପେଇଁନେ ତାଗ୍ଲାବାନ୍
 ଲାଗ୍‌ତଏ । ୮ ଇସ୍‌ପର୍‌ନେ ତାଗ୍ଲା ଲାଲାପା ଆରି ମେଁ ପେନେ ତାଗ୍ଲା
 ଲେଃଏ । ଅ ପାପିସ୍‌ପେନେ କ୍ରି ପବିତ୍ତ ଆତିଂ । ଅ ମ୍‌ାମ୍‌ମନ୍ ମନ୍ ପବିତ୍ତ
 ତିଂପା ୯ ନେଃଗାପା ଅଃନେ ଆରି ବଗ୍‌ଲଟ୍‌ଲଃ ଅଃପା; ପେଇଁନେ
 ଲୁଆଃନେ ଆରି ମ୍ଲେଡିଆ ବିସ୍‌ନ୍ନିଆ ମିସ୍‌ସ୍‌ ଝେଲେଃ; ୧୦ ମାପ୍‌ରୁନେ
 ସେଃମ୍ ଦରମ୍ ତିଂପା । ତେଲା ମେଁ ଆପେକେ ଉର୍‌ନି ଆଃଡିଏ ।

ବିନ୍‌ରେନେ ବିଚାର୍ ଆତିଂଗେପା

୧୧ ଅ ବୟା ଆରି ତନାଇଁ ନିଜେ ନିଜେ ବିତ୍ତେ ବିଚାର୍ ଆତିଂଗେପା
 । ବିସ୍‌ବାସି ବୟାନ୍‌ନେ ବିଚାର୍ ତିଂରେ ଜାଶ୍ରେଃ ମେଁନେ ବୁଦି ତିଏ
 ନିୟମ୍‌ନେ ବିଚାର୍‌ଶ୍ରେ ମାତିଂରେ ମେଁନେ ପାଲନ୍‌ଶ୍ରେ ତିଂପା । ଆକେନ୍

ତ ପେଇଁନେ କାମ୍ । ୧୨ ଇସ୍ପର୍ ଆଃ ମୁଇଁତା ନିୟମ ବିଃଣ୍ଣେ ଆରି ବିଚାର୍ ତିଂଣ୍ଣେ । ଆତେନ୍‌ସା ପେ ଜାଣ୍ଣେ ଜେ ସାଇପଡ଼ିସାନେ ବିଚାର୍ ତିଂପେତିଂକେ ।

ଆମ୍ବା ଗରବ୍

୧୩ ପେଇଁନେ ବିତ୍ରେ ଜାଣ୍ଣେ ଜାଣ୍ଣେ ଆଂକାର୍ ତିଂରେ ବାସଂଆର୍ଏ, “ନେ ଏଃକେ ଲେଃ ଞଡ଼େ ଅମ୍‌କ ଇନି ନେଃଝେ ଆଡ଼ତାଗ୍ରା ମେମୁଆଁ ନେଃଲେ ଆରି ବେପାର୍‌ବାଟ୍ ତିଂରେ ମାଲେ ତାରୁ ନେଃଆର୍‌ଜେ” ୧୪ ତାଗ୍ଲା ଞଡ଼େ ନା ଜିବନ୍‌ରେ ମେଁନେ ଗଟେଏ ଆତେନ୍ ପେମ୍ୟାକେ । ପେନେ ଜିବନ୍ ତାଉଲଃ ସୁଗୁଆ ପ୍ରେକ୍ ଆଃ ନ୍‌ତେ ପ୍ରେକ୍ ଆଃ ଆନା ଶୁ ଦେଡ଼ରକମ୍ ପେଇଁନେ ଜିବନ୍ ରକମ୍ । ୧୫ ତେସା ପେନେ ବାସଙ୍‌ନେ ଦରକାର୍ “ମାପୁନେ ଇକ୍‌ତା ତିଙ୍‌ଲା ନେ ମ୍‌ଲେଃତେ ଏନ୍ ନେଃତିଂ ଆରି ଆତେନ୍ ନେଃତିଂ ।” ୧୬ ତାଗ୍ଲା ଏବେ ପେଇଁ ଆଂକାର୍ ତିଂରେ ଆମ୍ବା ଗର୍ବ୍ ତିଙ୍‌ ପେଡ଼ିଙ୍‌କେ । ଆମ୍ବା ଗର୍ବ୍ ଦଦ୍ୟା ତିଙ୍‌ଏ ।

୧୭ ମନେ ବପା ମୁଡ଼ି ରେମୁଆଁ ମେଃଡ଼ିଗ୍ ସଡ଼କାମ୍ ତିଂନେ ଟିକ୍ ତାଗ୍‌ରେ ମ୍ୟାଃରେ ତିଗ୍ ଆତେନ୍ ଆତିଂଶୁ ମେଁ ପାପ୍ ତିଂଏ ।

୫

ସାକାର୍‌ଇନ୍‌ସା ତରକ୍ ସାମୁଆଁ

୧ ଅ ସାକାର୍ ରେମୁଆଁ ନେଂ ସାମୁଆଁ ଅଁପା । ପେନେ ଆଣ୍ଣିନେ ଅସ୍‌ବିଦା ତିଂନେ ଝେଡ଼ିଂକେ ଆତେନ୍‌ସା ମନେ ଏତେରେ ଅଃପା । ୨ ପେନେ ଦନ୍ ସମ୍‌ତି ନାସେ ଝେଡ଼ିଂକେ ଆରି ପାଟାଲ୍‌ପୁଟାଲ୍ ତାଃଡ଼ିର୍ ଚଂତିଂକେ । ୩ ପେନେ ସୁନା ଆରି ରୁପା ଏଡ଼େଃ ତିଂକେ ଆରି ଆକେନ୍‌ନେ ତାଃଡ଼ିର୍ ପେନେ ବିରଦ୍‌ରେ ସାକି ବିଃଏ ଆରି ପେନେ ଗାଗ୍‌ଡ଼େ ସୁଆ ସୁଗୁଆ ଗିଃ ଝେଏ । ଆକେନ୍‌ନେ ସାରାସାରି ବେଲା ପେଇଁ ଦନ୍ ସମ୍‌ତି ରାଃସିଙ୍‌ ପେବକେ । ୪ ପେନେ ଲିଜ୍ ସ୍ଲେଡ଼ିଂକ୍ଲେ ସ୍ଲେରେଇଁକେ ବୁଡ଼ି ପେବିକେ ଶୁ । ମେଇଁନେ ସାମୁଆଁ ଦ୍ରିଗ୍ । କିଆଡ଼ିଆ ଝେଣ୍ଣେଇଁନେ ଅଃକ୍ଲେ ସାପାନେ ବପୁଣ୍ଣେ ମାପୁରୁ ଇସ୍ପର୍ ଅଁଲେଃକେ । ୫ ଆକେନ୍ ଦର୍ତ୍‌ନିନ୍‌ନିଆ ପେନେ ଜିବନ୍

ସୁକୁସାନ୍ତି ତିଂଝେଗେ । ଗୁଗୁଏଃନେ ଦିନ୍ ନସା ଲେଃଝେ ପଶୁ ସୁଗୁଆ ପେ ଗାଗ୍ଡେ ପେଲେଃଝେ ।

୭ ପେ ନିର୍ଦସ୍ ରେମୁଆଁଙ୍କେ ଦସି ତାଗ୍ଡେ ବାଗୁଏଃପେତିଂକେ, ମେଁଙ୍କେ ପେନେ ବିରଦ୍ ତିଂ ଆୟାଆରକେ ।

ସାଆସ୍ ତିଂଚେ ପାର୍ତନା ତିଂପା

୧୫ ଅ ବୟାଁ ଆରି ତନାଇଂ ମାପୁ ପାଙ୍ଗ୍‌ନେ ଜାକ ବରକସ୍ ତିଂପା । କେଲାପା ଲିଜ ସ୍ନେରେ ତିରକମ୍ ମେଃନେ ଲିଜନ୍ନିଆ ଜାବର୍ କିଆ ଆକ୍ଲେନ୍‌ସା ବରକସ୍ ତିଂଚେ ପର୍ଡୁମ୍ ଆରି ଇଡିଙ୍ଗ୍ ଗୁର୍ନେ ଶ୍ରିଆକେ ଉରଲେଃଝ । ୮ ଦେଡ୍‌ରକମ୍ ପେଙ୍ଗ୍ ଶ୍ରିଗ୍ ବରକସ୍ ତିଂଚେ ଉର୍ ଲାଃଲୀପା । ପେଙ୍ଗ୍‌ନେ ଆସା ନିମାଣ୍ଡା ଲେଃଲେ ତାଗ୍ଲା ମାପୁ ପାଙ୍ଗ୍‌ନେ ଦିନ୍ ପିଙ୍ଗାକେ ।

୧୬ ଅ ବୟାଁ ବାରି ତନାଇଂ ପେଙ୍ଗ୍ ତିରକମ୍ ବିଚାରନ୍ନିଆ ଆଡିଙ୍ଗାପା ଏନ୍‌ସା ନିଜର୍ ନିଜର୍ ବିଡ୍ରେ ବିଚାର୍ ଆଡିଙ୍ଗାପା । ବିଚାର୍ ତିଂଶ୍ଟ୍ରେ ଶ୍ରିସାଙ୍ଗ୍ ତାଗ୍ଲା ପାଙ୍ଗ୍ ଲେଃଝେ । ୧୦ ଅ ବୟାଁ ଆରି ତନାଇଂ ମୁଡିନେ ବାବବାଦିଙ୍ଗ୍ ମାପୁରୁନେ ମିରେ ସାମୁଆଁ ବାସ୍‌ଆରଗେ ଆମେଙ୍ଗ୍‌କେ ସାଆସ୍ ଆରି କସ୍ ବାନ୍ଦେ ଉଃସ୍ତା ରକମ୍ ମନେ ଏଡେପା । ୧୧ ମେଙ୍ଗ୍‌ନେ ସାଆସ୍ ନସାଃ ନେ ଆମେଙ୍ଗ୍‌କେ ସୁକ୍ ରେମୁଆଁ ତାଗ୍ଡେ ନେଃବାସ୍‌ଏ । ପେ ଆୟୁବନେ ବରକସ୍ ସାମୁଆଁ ଅଁପେଲେଃଝେ ଆରି ଇଡିଂ ମାପୁରୁ ତିଡିରକମ୍ ଆମେକେ ଆସିର୍ବାଦ୍ ତିଂବକେ ଆଡେନ୍ ମ୍ୟାଃପେଲେଃଝେ । ତାଗ୍ଲା ମାପୁରୁ ଦୟା ଆରି ଲିବିସଃ ତିଂମ୍ୟାକେ ।

୧୨ ଅ ଆରି ବୟାଁ ଆରି ତନାଇଂ ପାର୍‌ମାନ୍ ତିଂନେବେଲା କିତଂ କି ଦରତନି କି ବିନ୍ ବିସ୍‌ଏରେ ପାର୍‌ମାନ୍ ଆଡିଙ୍ଗେପା । ନାଁନେ “ଅଃଅଁ”ନେ ଅରତ “ଅଃଅଁ” ତିଂଲେ “ଶ୍ରି”ନେ ଅରତ “ଶ୍ରି” ତିଂଲେ । ଡେଡ୍‌ଲା ପେ ଇସ୍‌ପର୍ନେ ବିଚାରନ୍ନିଆ ଡଶ୍ଟ୍ରେ ପେବା ଶ୍ରି ।

୧୩ ପେଙ୍ଗ୍‌ନେ ବିଡ୍ରେବାନ୍ ଜାଣ୍ଡେଃ ମେଃଆରେ ଅସ୍‌ବିଦା ତିଂପେଲେଃଝେ ? ମେଁ ପାର୍‌ତନା ତିଂଲେ ? ଜାଣ୍ଡେଃ ମେଃଆରେ ସାର୍‌ଦା ପେଲେଃଝେ ? ମେଁ ମାପୁରୁନେ ଅସ୍‌ମାର୍ ସାର୍‌ଲେଃଝେ

☆ ୫:୧୨ ୫:୧୨ ମାଡିଉ ୫:୩୪-୩୭.

। ୧୪ ☆ଜାଣ୍ଠେଃ ମେଃଆରେ ଆଃସିଲେଃକେ ? ମେଁ ମଣ୍ଡୁଲିନେ ନେତାଇଂକେ ୱାଲେ; ମେଇଂ ମାପୁରୁ ମିରେ ଖୁ ଲିଗ୍ତେ ମେଁ ନ୍‌ସା ପାର୍ତନା ତିଂଆରଲେ । ୧୫ ଦେକ୍‌ରକମ୍ ତାଟ୍ ବିସ୍‌ବାସ୍ ପାର୍ତନା ଆଃସିରେକେ ନିମାଣ୍ଡା ଆଃତିଂଏ । ମାପୁରୁ ଆମେକେ ନିମାଣ୍ଡା ଆଃତିଂଏ ଆରି ଜଦି ମେଁ ପାପ୍ ତିଂବଏ ଆମେକେ କେମା ତିଂଏ । ୧୬ ନିଜର୍ ନିଜର୍ ତାଗ୍ରା ନିଜର୍ ନିଜର୍ ପାପ୍ ସାମୁଆଁ ବାସଙ୍‌ପା ବାରି ନିଜର୍ ନିଜର୍ ନ୍‌ସା ପାର୍ତନା ତିଂପା । ତେଡ୍‌ଲା ପେ ନିମାଣ୍ଡା ପେତିଂଏ । ଦାମ୍ କ୍‌ନେ ପାର୍ତନା ଜବର୍ ବପୁ ଆରି ଗୁଲୁଏ କାମ୍ ପୁରନ୍ ତିଂ ଯାଏ । ୧୭ ଏଲିୟ ନେଃ ରକମ୍ ରେମୁଆଁ ଲେଃଗେ । ଶ୍ରିଆ ଆଗୁଲେଃଃ ତାଗ୍‌ତେ ମେଁ ମୁଇଂ ମନ୍‌ରେ ପାର୍ତନା ତିଂବଗେ ଖିମୁଆଁ ତେଃପିଆ ଜାକ ଦେସ୍‌ନିଆ ଶ୍ରିଆ ଆଗୁକେ ଶ୍ରି । ୧୮ ମେଃ ଆରମୁଇଂତର୍ ପାର୍ତନା ତିଂକେ ଆରି କିତଂଇନିବାନ୍ ଶ୍ରିଆଃ ଗୁରକେ, ଆରି ଦର୍ତ୍ତନି ଆରମୁଇଂତର୍ କିଆଉଆଃ ଲେକେ ।

୧୯ ଅ ବୟା ଆରି ତନାଇଂ ପେଇଂନେ ବିତ୍ରେବାନ୍ ଜାଣ୍ଠେ ଜଦି ଗାଲି ଉମୁଆଃ ୱେଏ ବାରି ବିନ୍‌ରେ ମୁଇଂତା ଆମେକେ ସଡ୍ ଗାଲି ପାକା ଆଣ୍ଡେ ତୁଂପାଏ ୨୦ ☆ତେଲା ମନେ ବପା ଜା ବିନ୍ ଗାଲିବାନ୍ ପାପିକେ ଆଣ୍ଡେ ୱା ତୁଂପାଏ ମେଁ ଆଡେନ୍ ପାପିନେ ଆମାକେ ଗୁଗୁଏନେବାନ୍ ରକ୍ୟା ତିଂଏ ଆରି ମେଁ ନିଜର୍‌ନେ ଗୁଲୁଏ ପାପ୍ କେମା ତିଂଏ ।

ସତ୍ ଗାଳି
The New Testament in the Gata' language of India: ସତ୍
ଗାଳି (Bible)

copyright © 2020 The Word for the World International

Language: Didayi (Gata')

Contributor: The Word for the World International

ସତ୍ ଗାଳି
ଯାଶୁ ମାପୁରୁନେ ନି ନିଅମ୍, 2020

The Gata Didayi Testament Language

The Word for the World International

This translation is made available to you under the terms of the Creative Commons Attribution license 4.0.

You may share and redistribute this Bible translation or extracts from it in any format, provided that:

You include the above copyright and source information.

If you make any changes to the text, you must indicate that you did so in a way that makes it clear that the original licensor is not necessarily endorsing your changes.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

Note that in addition to the rules above, revising and adapting God's Word involves a great responsibility to be true to God's Word. See Revelation 22:18-19.

2023-04-09

PDF generated using Haiola and XeLaTeX on 21 Feb 2024 from source files dated 9 Apr 2023

cd536811-9eb4-56d5-9546-afaca24c958c